

GYDA'N GILYDD, GALLWN SICRHAU CYMRU IACHACH



CYFLWYNO GWELLIANT CYMRU

Gwelliant Cymru yw gwasanaeth gwella Cymru gyfan ar gyfer GIG Cymru. Rydym ni'n arbenigwyr mewn datblygu, ymgorffori a chyflwyno Gwelliannau ar draws systemau.

Roeddem yn cael ein hadnabod gynt fel 1000 o Fywydau – Gwasanaeth Gwella, ac rydym wedi gweithio ers dros 11 mlynedd i gynorthwyo'r GIG i wella deilliannau ar gyfer pobl sy'n defnyddio gwasanaethau yng Nghymru.

O fyrddau i glinigwyr i weinyddwyr; mae Gwelliant Cymru yma i alluogi timau ac unigolion i wella'r hyn y maent yn ei wneud – a sut maent yn ei wneud. O'i roi yn syml, gallwn eich helpu chi i sicrhau bod unrhyw newidiadau a wnewch yn Welliannau er gwell – ac yn rhai sy'n eich galluogi i ddarparu gofal o'r ansawdd gorau posibl.

Yn Gwelliant Cymru, caiff popeth a wnawn ei arwain gan ein diben, sef: helpu creu Cymru iachach. Rydym yn cyflawni hyn trwy gynorthwyo

sefydliadau gan eu helpu i ymgorffori diwylliant cynhwysol o Welliant parhaus, cysylltiedig a chydweithredol. Trwy dîm canolog, rhwydwaith lleol o Hyrwyddwyr ac Academi Gwella, rydym yn cyflawni ein diben trwy nod syml, sef: y cyfrwng angenrheidiol ar gyfer ysgogi Gwelliant ar lefel unigolyn, tîm a sefydliad.

Rydym yn ymdrechu i roi pobl yn gyntaf, ymgysylltu â nhw mewn modd sy'n gwneud iddynt deimlo eu bod yn rhan o'r broses wella – nid wedi eu drysu na'u dieithrio ganddi. Mae arnom eisiau dangos i bobl y modd y mae gwella yn ychwanegu gwerth diffuant at eu rolau, gan ei wneud yn rhan naturiol o'u trefn ddyddiol – gan feithrin ymdeimlad o falchder, cyflawniad, a bod gwaith yn cael ei wneud yn dda o ganlyniad.

CYFNOD NEWYDD AR GYFER GWELLIANT YNG NGHYMRU

Wrth i ni ddechrau ar gyfnod newydd ar gyfer Gwelliant yng Nghymru, mae'n bwysig i ni gydnabod mai taith, nid cyrchfan, yw Gwelliant a bod pob un ohonom ar y daith hon gyda'n gilydd.

Trwy gydweithio, gallwn weddnewid Gwelliant i helpu creu Cymru iachach – dyna ein gweledigaeth ar gyfer Gwelliant.

Meddylfryd yw Gwelliant. Mae ynglŷn â dweud: "Dydw i ddim yn hapus i dderbyn y drefn a gwneud pethau yn y ffordd rydw i wedi eu gwneud erioed." Mae ynglŷn ag ymdrechu i wella: fel bod pethau'n well i chi, eich cydweithwyr a'r bobl rydych yn gofalu amdanynt.

Mae Gwelliant yn rhoi ymdeimlad o gyflawni i chi: gallu eistedd ar y sofffa ar ddiwedd diwrnod prysur, gan wybod eich bod wedi gwella rhywbeth trwy ddarparu gofal gwyb.

Dyma beth mae arnom ei eisiau ar gyfer Cymru: creu Cymru iachach. Gyda'n gilydd, gallwn ni gyflawni hyn.



BETH YW GWELLIANT?

Yn y gwaith neu yn ein bywydau gartref; rydym i gyd yn gwella pethau bob dydd. Gallai olygu aildrafftio ffurflenni yn y gwaith, fel eu bod yn gwneud synnwyr i bawb sy'n eu defnyddio. Gallai olygu dechrau cymryd rhan mewn rhaglen o'r sofa i redeg 5 cilomedr, neu wella ein cydbwysedd rhwng gwaith a bywyd. Mae rhai cynigion yn llwyddo – mae rhai ohonynt yn methu. Beth bynnag yw'r canlyniad, fodd bynnag, y syniad o fod *eisiau* gwella sy'n bwysig.

Ond beth yw'r cysyniad o Welliant – a sut gall ein helpu ni?

Meddyliwch am sut rydych wedi ceisio gwneud sefyllfa'n well:

- Sut oeddech chi'n gwybod bod rhywbeth ddim yn gweithio?
- Pwy arall wnaethoch chi ei gynnwys yn eich tîm?
- Sut gwnaethoch chi brofi newidiadau i'w wneud yn well?
- Sut oeddech chi'n gwybod eich bod wedi gwneud pethau'n well?
- Sut gwnaeth y ffordd newydd a gwell bara?

Mae Gwelliant ynglŷn â darparu strwythur syml i ateb y cwestiynau hyn.

Mae Gwelliant ynglŷn â dysgu am y system yr ydych yn gweithio ynddi, profi ffyrdd i wneud i bethau weithio'n well i chi, eich tîm a'r bobl rydych yn gofalu amdanynt – i roi'r cyfle gorau iddo lwyddo.

Sut ydych chi'n cyflawni Gwelliant?

Nid yw Gwelliannau yn digwydd dros nos: rhaid eu cynllunio a'u cyflwyno'n drefnus mewn ffordd ddiogel – i sicrhau bod unrhyw newidiadau a wnewch yn Welliannau hirdymor er gwell.

Mae modelau, prosesau a thechnegau i'ch helpu i wneud hyn yn effeithiol; gyda'i gilydd, caiff y rhain eu hadnabod fel 'Gwyddor Gwella'. Gall ein Hacademi Gwelliant Cymru helpu i chi ddysgu mwy am hyn.



GWASANAETHAU GWELLIANT CYMRU

Daw ein harbenigedd oddi wrth ein pobl.

Mae ein tîm yn cynnwys rhai o'r gweithwyr proffesiynol Gwelliant mwyaf cymwys a phrofiadol yng Nghymru. Gyda'n gilydd, rydym yn arwain, yn ymgorffori ac yn hyrwyddo Gwelliant ledled Cymru – gan ddefnyddio arfer gorau a thystiolaeth.

Mae hanfod yr hyn rydym ni'n ei wneud yn dechrau â ni yn **arwain Gwelliant**. Gan ddefnyddio ein Q Lab Cymru* a Fframwaith Gwelliant Cymru, rydym yn cyflwyno cyfres o Raglenni Gwelliant Cymru ar gyfer Cymru gyfan. Trwy'r rhaglenni hyn, gallwn ymgorffori dull Gwelliant Cymru gyfan mewn meysydd blaenoriaeth; rhywbeth sydd o fudd i'n pobl trwy roi sylfeini iddynt ddeall a gweithredu eu hunion feddylfryd Gwelliant eu hunain.

Rydym yn **ymgorffori** sgiliau **Gwelliant** trwy ein Hacademi Gwelliant Cymru. O ran y cam nesaf yn y Daith Wella, mae ein Hacademi yn cynnig amrywiaeth o gyrsiau, offer, hyfforddwyr a chynghorwyr – ac fe gaiff bob un ohonynt eu gyrru gan ein safonau Gwelliant Cymru gyfan. Mae budd yr Academi yn ddeublyg: trwy helpu galluoedd Gwelliant unigolyn a gallu Gwelliant sefydliad, mae hefyd yn rhoi'r hyder iddynt, mae'n eu grymuso ac yn gwneud iddynt gredu mewn cymryd yr awenau wrth fwrw ymlaen.

Er mwyn helpu ein pobl i wella'n barhaus, mae'n hanfodol ein bod yn **hyrwyddo Gwelliant** yn barhaus. Ni yw'r llais ar gyfer Gwelliant yng Nghymru, ac rydym yn darparu llwyfan i rannu hanesion am wella a dysgu, yn ogystal â chyfleoedd ar gyfer rhwydweithio a chymorth. Mae'r ffordd rydym yn gwneud hyn yn cynnwys amrywiaeth o gyhoeddiadau, cynadleddau a digwyddiadau i'ch helpu i wneud cynnydd ar eich taith eich hun i Welliant.

*mewn partneriaeth â Q yn Y Sefydliad Iechyd



SYMUD YMLAEN GYDA'N GILYDD

Yr hyn sy'n allweddol i Welliant yw cydweithio mewn partneriaeth. Gyda'n gilydd, gallwn wella, gallwn gyflawni a gallwn wneud pethau'n well ar gyfer pobl Cymru.

Gallwch fod yn rhan o hyn a dilyn hynt a helynt datblygiadau trwy ymweld â'n gwefan a chofrestru i gael ein e-gylchlythyr misol:

www.gwelliant.cymru

Hefyd, gallwch ein dilyn ni ar gyfryngau cymdeithasol:

-  Dilynwch ni ar Twitter @ImprovementCym
-  Hoffwch ni ar Facebook
-  Tanysgrifiwch ar YouTube
-  Cysylltwch â ni ar ein tudalen LinkedIn

